

Conseigneur:

Combien que de long temps j'ay

esté adverty, que M^{re} Pierre de rijke, estant ordonné, au conseil d'estat. de Zelande, avoit propose, resigner le bailliage de Vlissingen. sy n'ayant le vouloir pretendre, pour n'estre noté d'ambition, par voyes obliques. Mais presentement, manant led^e M^{re} Pierre, sur la fin du mois dernier, par aucun, et depuis luy mesmes, fust entendu sa resolution, quil ne pouoit fidelement, deservir led^e bailliage. et quil se vouloit retirer en ceste ville. Advoystant, quil desiroit me veoir en sa place, a Vlissinge, pour me cognoistre de long temps, a ce capable: Come aussi, et luy aye pleu, me recomander au Magistrat. Leur remonstrans, en presence, des gens dignes de foy, que pour l'heure, ne scauoit autre pardeça, plus souffisant, par honestes propos, excédans mes merites. Tellement, que plusieurs du Magistrat, et aussi, des fideles, de Leglise de Dieu, au^t Vlissingen, seroient bien contents, me veoir, promeu, a dudit estat. Item, que de leurs bonnes Volontés, en mon endroit, j'espero rendre v^{re} Excellence, tout certain, estant ledict baillieu, retourne, de Gand, où il est passe, deux semaines: Qui me cause significer le tout, a v^{re} Excellence. Le suppliant, que son noble plaisir soit, en consideration, de mes services, tenir la disposition, dudit estat, en succession, jusques que a son retour, je puisse faire amplement apparoir, a v^{re} Excellence, leur bonne affection, en mon endroit: pour cela fait, estre honore, de la Commission a ce servante: Laquelle, encores que asseurez me fust, accordée, je nentens mortre en oeuvre, come je leur ay dit, que de plain vouloir, grés, et consentement, de cely tous, pour avecq, paix, Union, et conconde, et par comun advis, et conseil, me puisse, quant et oib, m'acquiescer fidelement de ma charge, ainsi que en Vouidrais rendre compte, en besom. Et en confidence, me comporter, tellement, que v^{re} Excellence, et chascun sen loueront. Et avecq, l'aide, du bon Dieu, que prie, vous donner

Conseigneur, en toute prosperite, longue et bonne vie. Et a moy part, en toutes v^{res} nobles graces: De Middelbourg, le 15 d'ap^{ril} 1577.

De Vostre Excellence: /

Reshumble, Resobissant, Resfidele, perpetuel servante,
Jauxens du Blicou: /